

per inspirationes antecedaneas, accendendæ porrò sanguinis chylique novæ mixturæ haut amplius suffecisse in uno, cuius tamen paucæ reliquæ nitrosæ, alterius massam ad inflammandum facilius dispositam aliquandiu adhuc fovere accendereque potuerint. Quod si cum *Borello* vitam animalis in partium sanguinis perenni & oscillatorio quasi motu ponamus, quem aëris inspiratæ particulæ suo elaterio subinde restaurare & æquabilitati debitæ restituere teneantur, ut in horologio pendulum rotarum impetum coercet ac moderatur; in promptu pariter fore causam, cur idem aëris, jam immutatus notabiliter, elater partibus sanguinis, in uno fortè mobilioribus & naturâ suâ agilioribus sufficienter agitandis adhuc præesse potuerit; in altero verò fortasse torpidis magis ritè commovendis defecerit &c.

Causa 2.  
Phæn.

**C O N C L U S I O II.** Vocem foris oclamantium etiam per aquas deorsum ad aures Urinatorum, licet obscurius, defiri, mirum esse nemini debere; quandoquidem aërem multum per aquas etiam diffusum esse non uno experimento constat, qui sonorum vehiculum esse solet. Quod verò Urinatorum sub campana vociferantium clamor ad aures foris attendantium vicissim non feratur, id inde non esse, quod sonus sursum fortè difficilius quam deorsum evehatur, (effet enim oppositum potius verosimile) sed quod rectè sursum ob campanæ solidum & impicatum solicite ambitum ascendere non valuerit, is verò, qui directè deorsum effusus fuerat, ad superiora non nisi per reflexionem valde debilem, eniti, atque adeò, cùm in via porrò magis magisque immi- nueretur, tandem intensibilis emergere potuerit.

Causa 3.  
Phæn.

**C O N C L U S I O III.** In ista Campanæ angustia verò sonitum Buccinæ venatoriæ vehementiorem, innumeris insuper reflexionibus ex omnibus campanæ parietibus auctum, omni præcluso exitu in buccinatoris aures confertim illapsum, denique per nervos auditorios impetu insolito in cerebrum & spiritus animales innectum, potuisse surditatem quasi